



O Volapükaflens Valöpo!

Bevü kroks, narzids, galants, tulips e primuls, kels epubons in gads e flanü vogs, dasevoy, das florüp fino ekömon. Plidob florüpi vemo, bi dabinons köls valöpo so mödikis, kels löpiotovons ladi.

Kodü kazetamals in Volapük, flen oba epenom obe ad sagön, das ma matan oka, binon pük smilöfikün. Ab pro ob, Volapük büiküno binon pük „gramatöfik.“

Buäd gretik Volapüka binon, das kanoy dasevön ai rouli gramatik vöda alik. No binos valemo so in püks netik, igo in püks anik „bevünetik!“ Lä ons prinsip at fliton se fenät. Ab prinsip at labon rouli mu veütiki, samo, in poedots – pato in tradutods poedotas se püks votik – kö stad vödas suvo muton pacenön kodü rimods zesüdik o kodü num silabas pedesiröl.

In tef at Volapük nidon äs sol. Neai zesüdods ad mifomön vödis, kels pubons ai äsä sötöns.

Mens anik protestons laodiko, das „gramatöf“ somik no lönedon pö adel, bi pük, sekü atos, vedon fikulikum, e adelo no viloy betikön pükis „fikulik.“ Ab ced at no lonöfon. Jenöfo pük gramatik binon fasilikum ka pük labü migot vödas alsotik nen rood klülabik. Volapük binon pük somik. Is neai kofudoy tefü klad vödas. Tikäl menik i dalabon „gramatöfi“ lönik. Me vöds votik, kludo, Volapük binon „tikälükün“ pükas!

Valikosi Gudikün Oles ed Oljkanes

sebam *Ralph*

GRAMATAGUL

Volapūkaflen penom: Vilol-li kleilūkōn obe distis bevū :
AS/ĀS/ASĀ/ĀSĀ/LEIGOĀS/SOĀS? Danō!

Ekō sets ad jonōn gebi verātik elas AS/ĀS/ĀSĀ :-

1) Stabaset: Sanan no ekomandom medini at.

- a) As sanan (= binom sanan!) no ekomandom medini at.
- b) Asā sanan [= vātālōlo plaki sanavik oma as sanan] no ekomandom medini at.
- c) Ās sanan [no binom sanan, ab notodom utosi, kelosi, cedū om, sagomōv sanan] no ekomandom medini at.

2) Stabaset: Lōfob oli āsā binol.

- a) Kanitobs āsā kanitons mens brietik.
- b) Lōfob ofi āsā binof (do binof neflenōfik!)

Kūpolōs, das āsā muton payumōn ko vārb!

3) Stabaset: Man at no binom geilik, ab man votik si!

- a) Man at no binom geilik leigoās/soās man votik.

Leigodolōs setis sōkōl:

- a) Egolof lū klotedazāl ās feyajireg; (no binof jenōfo feyajireg!)
- b) Stunidom ofi ās mot oka; (ab no binof mot oma!)
- c) As man vola (fūmo binom somikan!) binom mu visedālik.
- d) Asā būsidan, (binom fe būsidan) tāvom mōdo.
- e) Remom dinis mu jerikis ās būsidan plōpik (ab no binom būsidan plōpik)
- f) Blod spikom vifiko leigoās/soās daud. (I daud spikof vifiko!)

LON ELA 'SAMSARA'

Fa hiel E. F. Foubert

Ŭn soar seimik hitŭpa, peseadŭl ko flens fo
Zānodamel, jīmatan oba ikonof memīs okik dŭ bal lifas bŭik oka.

„Din viovemo nitedik e bisarik,” āvokādof lād, „ad
fŭmŭn dŭ nedeādŭf lana obsik e gekŭm . . . koveni kion fŭm somik
blinon, ās hiel 'Flammarion' ya āpenom in tef at.”

„Si! āgespikom sanan bāldik, gudiko pesevŭl in
Fransān demŭ kŭpeds oma tefŭ lovelanav. „Si! Kanoy spelŭn,
das binos-la so. Se leplŭt no otaspikob osi . . . ab betikolŭs dŭ
timŭl, begŭ! jāni jeikik, kel binon el „Samsara,” sevabo: Lon
Gekŭma Laidŭpik. Ad mutŭn gekŭmŭn islo, sui planet at menas
badik, sovadanās, barbaranās bludik! Ekŭ noe Purgator, abi
suvo Hŭl hielā 'Dante.' God (si dabinson) jelobsŭs de atos!”

„Ab,” ālāŭkob plafiko, „binoy-li fŭmik, das gekŭmoy
in koaps menik? Hindutans, sis tumyels mŭdik, sagonś, das
dŭnukopams binons leigiko mŭgiks in kops nimas . . .”

„Ag!” āvokādof lād, pejekŭl, somikos binosŭv Hŭl
veratik!”

„U timŭl takāda,” āgespikob sanan, rŭbŭlŭl kati obsik . . .
E kat at, āsif isuemon osi, āseadon su klens flena obas, logedŭl lŭ
obs me logs jŭnik nidik ona viseda flenŭfik.

Ājinos sagŭn obes: „Danis demŭ yels kotena, kelis egivols
obe bevŭ dŭnukopams tel. Tŭ timŭl at, ās leklār, āsŭādŭkob,
das lan dŭnukopik ābinon is in kop flekik ā sadinik kata obsik.



Kālŭlŭs palis gudik, bi deboł ones debi nepelovik.

VISEDÄL MEKAVIK-LI?

Fa Harleigh Kyson Jr.

Hiel Georg B. Dyson edabükom buki ba volutik tiädü „Hiel Darwin bevü cins,” kel tikodükon, das nünöms milbalions lä obs anu yumü num gretik resodas, binons kobo fom nulik lifa visedälik, kel volfon ma mods difik, kelis ba neai okanobs suemön.

El Dyson it labom röletanis vemo nitedikis. Fat oma, el Georg Dyson ägaenom premi ‘Nobel’ demü vob tefü füsüdav. Mot omik, el Verena Huber-Dyson, binof tikavan leskilik. Sör omik, el Esther Dyson binof teorodavan, kel äbinof bevü pösods balid ad dasuemön, das lüköm nünöma pösodik önüdugon voluti täläktik labü veüt ot letüva: 1) sitas ad dakipön püki e ad lovesedön oni ini päkils polovik pepenöls, e: 2) bükiana labü bükem mufovik, kel ömödükumon fasiliko e gretiko numi kopiedas vödema ot.

El Dyson älärnom bevü pösods somik äsi ko täläktans votik famik, kels ävisitons stitodi nivera ela „Princeton” pro studs patik, kiöpo ävobom fat omik, kel älabom calasvistis e flenis famikün tefü vobods täläktik oka. In züäd at, el Dyson älifädöm dili gretikün yunüpa okik.

Buk oma fläkon vemo nunis, kelis ekobükom de mens nekösömik at, do nuns mödik rigons de lautans famik tima pasetik. Samo, se el ‘Leviathan’ fa hiel

Thomas Hobbes, etirom tikamagoti, das sogs menik binons konlet dabinanas labü visedäli kobik e livätik. Se hiel Samuel Butler, lefat hiela Charles Darwin, id etirom tikamagoti, das bids biologik valik labons visedäli kobik, dabini kela mutoy tikädön kälöfiküno lo fomulam teorodas daglofava lonöfik. El Butler id äsagom, das soti at visedäla kanoy i logön tefü daglof cinas, kelis äküpedom in sog oka. Äsagom: „Del pos del, cins at vedons ai komplitiks e guverons ai plu modis lifa obas, e tü yel alik num gloföf manas ädedietoms lifi oka ad disin e lölöfükam cinas at.

El Dyson id evestigom vobi tikavano äs els Leibniz, Georg Boole, Kurt Goedel, Alan Turing e John von Neuman, jonülölo, samo, vio el Leibniz ifomälom nünömi, kel ögebon telnumatis, kels öpladulons dunis tikavik dub kom u nekom glöpas smalik, kels örölons in retod komplitik ferodas kobü cäns, kels ösümilons pö utos, kel kontrolas duveigi trenavega.

Täno konom jenavi daglofama nünöma nulädik, bumav kela pälölöfükon fa el John von Neumann, kel isvilupom balato tikamagoti ad gebön telnumatis ad programön nünömis, ad dakipön us nunis matematik e vödemikis, e ad tölatön valikosi ma nünams bekiköl in telnumats ed efidunöls ma fom lienik.

Ab el von Neumann äyilidom kansere, ed el Dyson tikom, das, if no ideadom, übinom pösod balid ad disinön sitis nunavik äs cin ela IBM, kel tü yel 1997 ivikodon hieli Garri Kasparov in cögamäted.

RENAR KÄFIK

Leon bäldik in kev dagik
Nämi ya iperon;
Seko id igeron
Kudis mödik yelas lunik.

No plu fägik, yagan büik
Seaton nenyufo,
Ab lefidotis vo
Neodon suno, e käfo
Fe nimis nüvüdon:
Midiblini lü on
Ekö din gudik, jenöfo!

Benö! ekö renar fefik
Kel stopon, nulälo
Fo kev dagik. Fäko
Leon vokon me vög bläfik:
„Nükömolös!” suno!
Vilob fidön, e go
Fümiko ga midi smekik!

Tän vokon renar flanao:
„Küpedob retodis,
Ninio golölis,
Ab no retodis ninao!”



Vom sapik neai oglömofo,
Das din bisarik binon jof;
Bi ga hätis okik
Vogädas alsotik
Vom sapik neai oglömofo.

Sevom mani snatik labü dog,
Tü del bal efalom ini hog.
Hog äbinon ya dibik,
Man äbinom ga fibik,
Ab pesavom fümiko fa dog.

TRADUTASKIL TEFÜ VOLAPÜK

Fikul gretik ad penön Volapüki, u jenöfo püki foginik alseimik, davedon de fraseods pükalönik susnumik, kels bundanons in püks valik natik. Spikobs e penobs noe medü geb vödas soelo, (yümät kelas tikaviko notodons tikodi,) abi medü fraseodafoms fa kösömot e geböf pefümükons. Kösömiko no sevedobs fraseodis pükalönik at, kel suvo no baiädon siämo bai sinifs natik vödas binädik. Te logedolös miedotis difik e vödis siämaröletik de vöds valemiko pegeböls ad jonülön kaladi mu pükalönöfiki pukas natik.

Ab pük bevünetik, ad fasiliko pasuemön e pagebön fa pöps labü notodakösöms veitik difik muton pafünön, no su geböf vilädik, ab su tikav, su täläkt dinöfälik. Dil alik vöda, i vul, i yümot, muton pagebön ma siäm balik e laidik pö fraseodayümäts. Ekö geb at balsiämik vula e yümota, kel loveseiton Volapüki sus püks natik as stum notodota kuratik, e kel garanon suemöfi fasilik. Ad fasiliko e kuratiko pasuemön fa pöps pükagrupas difik, mutoy tradutön tikodi seta, no te kobogrupön mekaviko leigätis Volapükik, kels, pö loged balid, jinons lönedikis. Mutol diletön tikodis ola; ven kolkömol seti fikulik, gebolös täläkti dinöfälik ola. Prüdolös, das ogebol tradutodi, kel baiädon vuli e yümoti Volapüka, e kel balugiküno, kililiküno e kuratiküno notodon sinifi olik. Moükolös mödavödöfi. Gebolös setis brefik. No steifülol ad sümädön sökaleodi fraseoda foginik. Lobedolös nomis gramatik Volapüka. Stipi tradutoda verätik in Volapük kanol logön söko:

- 1) das tradutod kanon pasuemön fa pöps valik, e
- 2) das tradutod notodon kuratiko tikodi doküma rigik.

Stud Volapüka, patiko tefü tradut se pük foginik ini Volapük, binon tüted tikälik verik. Püks natik lefulons me nenomots deklina äsi konyuga. Sökod laidik vödas, kels pagebons ma

Siām mödaplänovik, fraseods pūkalōnik, sinifis kelas studan tuvedon fādo, u kel sūmādon ad lōnūlōn lū gebōf teik, klienons ad sūadūkōn studani, das pūk binon din vemo mūsterik, kel no binon tikālik. If tuvoy bosī in vōdem Volapūkik, demū kel kod tikālik no dabinson, ekō sam Volapūka negudik. Foms nomik gramatik, geb vōdas ma siām fūmik, nekom notodas te pūkalōnikas in pūk bevūnetik buma lepatik, dajonons magedi tālāktik verik.

• • • • • • •

FANTUM FOLLÖGIK

Fa hiel John Redgwell

Ven lefat oba ābinom man yunik, āsagoy, das binon fantum in deadanōp vilaga 'Bocking,' nilū zif 'Braintree' (Linglān) kō ālōdom. Too ābinom man yunik kuradik e no ādredom ad beigolōn deadanōpi neito.

Ūn neit seimik ābeigolom topi et, ven fom vietik āpubon nilū stōb. Ābinon jevod vietik flenik, kel āfredon vemo ad logōn seimani se lifanef!

• • • • • • •

PEL LONIK

Toodan in Tat 'Utah' (Tats-Pebalōl) āsufom monapōnodi dolaras jōldegtel demū nofūl neveūtik, ed āsludom ad pelōn oni medū dolarazims.

Hiel Grant Petersen seko āgetom kōnādis 8.200 se bank, ed āblūnom onis in bōket. Ab calans no āmuadons in tef at. Flagoms ome peli kōsōmikum, ab sōl Petersen ešagom ones, das dolarazim binon pel lonik, e das no oġetoy votikosi.